

საქართველოს სასჯელაღსრულებისა და პრობაციის
სამინისტროს
სასჯელაღსრულების დეპარტამენტი



სატენდერო დოკუმენტაცია
ავტობუსის, მიკროავტობუსის და სატვირთოს ტიპის ავტომობილების მიმდინარე
შეკეთების მომსახურების შესყიდვაზე

გამარტივებული ელექტრონული
ტენდერის საშუალებით

წინამდებარე სატენდერო დოკუმენტაცია შედგენილია "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე.

თბილისი
2015 წელი

- 1.1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია ვებ-გვერდზე: - **www.procurement.gov.ge**.
- 1.2. სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” მოცემულია ვებ-გვერდზე: **www.procurement.gov.ge**.

ტექნიკური დოკუმენტაცია

1. გამარტივებულ ელექტრონულ ტენდერში მონაწილეობისათვის – იხილეთ ვებ – გვერდზე: www.procurement.gov.ge:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;

ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

2. საკვალიფიკაციო მონაცემების საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

3. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.

4. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

5. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

6. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.

7. ალტერნატიული სატენდერო წინადადების წარმოდგენა არ არის დაშვებული.

8. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან: პაატა ვარდიაშვილი. ტელ: 275 23 83.

მის: ქ. თბილისი, გორგასლის ქ. N 83ა, მე-3 სართული.

2 ტექნიკური დავალება

2.1 სასჯელადსრულების დეპარტამენტის ბალანსზე რიცხული ავტობუსის, მიკროავტობუსის და სატვირთოს ტიპის ავტომობილების ტექნიკური მომსახურება ქალაქ თბილისში ან ქალაქ რუსთავში (სათადარიგო ნაწილებით)

2.2 ავტოტექნომსახურების სერვის-ცენტრს უნდა ჰქონდეს

- ა) პირველადი მოთხოვნის მარაგი ადგილზე კერძოდ: ზეთები, ფილტრები წინა და უკანა ხუნდები (დანართი N1-ში მითითებული ავტომობილების);
- ბ) ავტოცენტრმა უნდა უზრუნველყოს სათუნუქე სამღებრო ასევე საშემდუღებლო სამუშაოები ყველა ტიპის აპარატით ავტოგენი ელექტრო და (წერტილოვანი „კემპი“), სასურველია „არგონი“

2.3 მომსახურების გაწევის ვადები და პირობები

- ა) ძრავის კაპიტალური შეკეთება არაუმეტეს 10 კალენდარული დღე. ყველა ტიპის ელექტრო საშემკეთებლო სამუშაოები არაუმეტეს 5 კალენდარული დღე. ყველა ტიპის ტექნიკური მომსახურება არაუმეტეს 5 კალენდარული დღე. ავტოსათადარიგო ნაწილები რომელიც არ მოიპოვება ადგილობრივ ბაზარზე შეძენა მიწოდების და დაყენების ვადად განესაზღვრება არაუმეტეს 20 კალენდარული დღე.
- ბ) იმ შემთხვევაში თუ შემსრულებლის მიერ შეცვლილი ნებისმიერი დეტალი სწორი ექსპლუატაციის პირობებში გამოვა მწყობრიდან მოცემულ საგარანტიო ვადაში და ავტომობილის გადაადგილებას შეუქმნის საფრთხეს შემსრულებელი ვალდებულია მოახდინოს თუ შესაძლებელია ადგილზე შეკეთება ან ევაკუაცია სერვის ცენტრში საკუთარი ხარჯებით.

3.0. ტენდერში მონაწილე პრეტენდენტმა უნდა გაითვალისწინოს შემდეგი:

- ა) ტენდერში გამარჯვებულ პრეტენდენტთან ხელშეკრულება გაფორმდება 50 000 (ორმოცდაათათასი) ლარზე, სატენდერო წინადადების ფასი კი წარმოდგენილი უნდა იყოს სატენდერო დოკუმენტაციის დანართებით მოცემული საქონლისა და მომსახურების ერთეულის ფასების ჯამურ ღირებულების შესაბამისად, მაგრამ არაუმეტეს ფასების ცხრილებში მითითებული სავარაუდო ღირებულებებისა; პრეისკურანტის სავარაუდო ღირებულება შეადგენს 282 982 (ორასოთხმოცდაორიათას ცხრაასოთხმოცდაორი) ლარს
- ბ) ვაჭრობა გაიმართება ფასების ცხრილებში მოცემული საქონლისა და მომსახურების ერთეულის ფასების ჯამურ ღირებულებაზე;
- გ) პრეტენდენტის მიერ ელექტრონულ სისტემაში ვაჭრობის შედეგად წარმოდგენილ საბოლოოდ შეთავაზებულ პრეისკურანტის ღირებულებასა და სატენდერო დოკუმენტაციით განსაზღვრული თავდაპირველი პრეისკურანტის ღირებულებას შორის სხვაობა სატენდერო კომისიის მიერ გამოანგარიშდება პროცენტულად, რომლის მიხედვითაც დაევალება პრეტენდენტს წარმოდგინოს კორექტირებული ფასების ცხრილი დანართი #1 ზემოთაღნიშნული პროცენტული მაჩვენებლის პროპორციულად თითოეული საქონელისა და მომსახურებისათვის.

დ) გ) ქვეპუნქტით გათვალისწინებული პირობა ასევე მოითხოვება პრეტენდენტის მიერ სატენდერო წინადადებით წარმოდგენილ პირველად ფასდაკლებული პრეისკურანტის ღირებულებასთან მიმართებაში.

ე) თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მესამედამდე, შესაბამისად შეამციროს პრეისკურანტის ჯამური ღირებულებაც.

3.1. პრეისკურანტში ავტოსტრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში ავტოსტრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

3.2. ავტომობილების მიმდინარე შეკეთების მომსახურება უნდა განხორციელდეს ეტაპობრივად, შემსყიდველის მოთხოვნის შესაბამისად ხელშეკრულების დადებიდან 2015 წლის 31 დეკემბრის ჩათვლით, ასევე უქმე დღეების ჩათვლით.

4.0 პრეტენდენტის მიერ სისტემაში უნდა იქნეს ატვირთული შემდეგი ინფორმაცია:

4.1. სატენდერო წინადადების ფასი, ფასების ცხრილი (მომსახურება, სათადარიგო ნაწილები) ავტომობილების შესაბამისად დანართი N1-ის (პრეისკურანტი) მიხედვით.

4.2. პრეტენდენტის სარგებლობაში არსებული მატერიალურ-ტექნიკური და შრომითი რესურსების შესახებ ინფორმაცია ავტოტექნომსახურების სერვის-ცენტრის მისამართის ჩვენებით.

4.3. ინფორმაცია მომსახურების გაწევის ვადების და პირობების შესახებ ტექნიკური დავალების 2.3 პუნქტის ა) და ბ) ქვეპუნქტების შესაბამისად;

4.4. ინფორმაცია შეცვლილ დეტალზე და მომსახურებაზე საგარანტიო ვადებისა და პირობების შესახებ (არ უნდა იყოს 6 თვეზე ნაკლები)

4.5. ინფორმაცია ავტოტექნომსახურების სერვის-ცენტრის შესახებ, ტექნიკური დავალების 2.2. პუნქტის ა) და ბ) ქვეპუნქტების შესაბამისად;

4.6. რეკვიზიტები დანართი #2-ის მიხედვით;

დამატებითი მოთხოვნა:

ა) პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

ბ) იმ შემთხვევაში თუ პრეისკურანტი არასრულად იქნება შევსებული ან არ იქნება წარმოდგენილი მოხდება პრეტენდენტის სატენდერო პროცედურებიდან დისკვალიფიკაცია;

გ) პრეტენდენტი უფლებამოსილია ფასთა ცხრილი (დანართი N1) სისტემაში წარმოადგინოს Excel ფაილის სახით.

პროექტი

8. ხელშეკრულება სახელმწიფო შესყიდვის შესახებ ¹

ქ. თბილისი

_____ 2015წ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

ერთი მხრივ, საქართველოს სასჯელაღსრულებისა და პრობაციის სამინისტროს სასჯელაღსრულების დეპარტამენტი (შემდგომში “შემსყიდველი”) მისი თავმჯდომარის მოადგილის ----- სახით და მეორე მხრივ, ----- (შემდგომში “შემსრულებელი”) სახით, საქართველოს მოქმედი კანონმდებლობის საფუძველზე ვდებთ ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს ქალაქ ----- სასჯელაღსრულების დეპარტამენტის ბალანსზე რიცხული ავტომობილების მიმდინარე შეკეთების მომსახურების შესყიდვა (საჭირო სათადარიგო ნაწილებით და საპოხი საშუალებებით), ხელშეკრულებით გათვალისწინებული პირობების შესაბამისად, გამარტივებული ელექტრონული ტენდერის საშუალებით (CPV 50100000, SPA150000000)

2. შესყიდვის ობიექტი

2.1 შესყიდვის ობიექტია ავტომობილების მიმდინარე შეკეთების მომსახურება. ავტომობილები, მომსახურების და დეტალების ერთეულის ფასი, განისაზღვრება შემსრულებლის მიერ წარმოდგენილი დანართის შესაბამისად, რომელიც თან ერთვის წინამდებარე ხელშეკრულებას.

2.2. ხელშეკრულების 2.1. პუნქტში აღნიშნული დანართი - (-----) ფურცლად წარმოადგენს ხელშეკრულების განუყოფელ ნაწილს.

3. ხელშეკრულების საერთო ღირებულება

3.1 შესყიდვის ობიექტის (მომსახურების) ფასი განისაზღვრება ეროვნული ლარით.

3.2. შესყიდვის ობიექტის საერთო ღირებულება შეადგენს ----- (-----) ლარს დღგ-ს ჩათვლით.

3.3. ხელშეკრულების 3.2. პუნქტით გათვალისწინებულ ფასში შედის საქართველოს კანონმდებლობით გათვალისწინებული ყველა მოსაკრებელი და გადასახადი.

4. შესყიდვის ობიექტის ხარისხი და გარანტია

სატრანსპორტო საშუალების სწორი ექსპლუატაციის პირობებში შემსრულებელი იძლევა 6 (ექვსი) თვე გარანტიას, სათადარიგო დეტალებზე და მომსახურებაზე, ასევე მომსახურება

იქნება მაღალი ხარისხის, უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

5. შესყიდვის ობიექტის მიწოდების ვადები, ადგილი და პირობები

5.1. ხელშეკრულებით განსაზღვრული მომსახურების ვადა განისაზღვრება შემსყიდველის მოთხოვნის შესაბამისად ხელშეკრულებაზე ორმხრივად ხელმოწერიდან 2015 წლის 31 დეკემბრის ჩათვლით.

5.2. ხელშეკრულებით განსაზღვრული მომსახურების ადგილია შემსრულებელის ფაქტიური მისამართი: -----.

5.3. შესყიდვის ობიექტის მიწოდების პარალელურად, შემსრულებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშ-ფაქტურა).

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დასტურდება შემსყიდველისა და შემსრულებლის მიერ შესაბამისი უფლებამოსილი წარმომადგენლების ხელმოწერებით.

6.2. შემსყიდველის მხრიდან 6.1. პუნქტში აღნიშნული უფლებამოსილი პირები არიან სასჯელაღსრულების დეპარტამენტის ტრანსპორტის განყოფილების უფროსი ინსპექტორი თენგიზ საცერაძე, ამავე განყოფილების ინსპექტორები კუკური ჯიბლაძე გოგა თოლორაია და მძღოლი გიორგი ბოკელავაძე.

7. ანგარიშსწორების პირობები

7.1. შემსრულებელთან ანგარიშსწორება განხორციელდება ეროვნულ ლარში.

7.2. ხელშეკრულებით განსაზღვრული მომსახურების გაწევის ღირებულების ანაზღაურება მოხდება უნაღდო ანგარიშსწორების ფორმით.

7.3. ანგარიშსწორების განხორციელებისათვის შემსრულებელმა უნდა წარმოადგინოს მიღება-ჩაბარების აქტი და ანგარიშ-ფაქტურა.

7.4. ანგარიშსწორება შემსყიდველის მიერ მოხდება შემსრულებლის მიერ ამ ხელშეკრულების 7.3. პუნქტით განსაზღვრული დოკუმენტაციის წარმოდგენიდან არაუგვიანეს 10 (ათი) სამუშაო დღის ვადაში.

8. მხარეთა უფლება-მოვალეობანი

8.1. შემსყიდველს უფლება აქვს:

შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

8.2. შემსყიდველი ვალდებულია:

მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

8.3. შემსრულებელს უფლება აქვს:

მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4. შემსრულებელი ვალდებულია:

ბ) დაიცვას ხელშეკრულებით გათვალისწინებული ყველა პირობა.

გ) გააფრთხილოს დამკვეთი, როდესაც არსებობს მისგან დამოუკიდებელი გარემოება, რომელიც საფრთხეს უქმნის შესრულებული სამუშაოს ხარისხს.

დ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

9. მხარეთა პასუხისმგებლობა ხელშეკრულების დარღვევისას

9.1. ხელშეკრულების პირობების არაჯეროვანი/უხარისხო შესრულების შემთხვევაში, შემსრულებელს ეკისრება პირგასამტეხლო სახელშეკრულებო ღირებულების 2 (ორი) პროცენტის ოდენობით.

9.2. მომსახურების ვადის დარღვევის შემთხვევაში, შემსრულებელს ეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,4 (ნული მთელი, ოთხი მეათედი) პროცენტის ოდენობით.

9.3. შემსრულებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, შემსრულებელს ეკისრება პირგასამტეხლო სახელშეკრულებო ღირებულების 5 (ხუთი) პროცენტის ოდენობით.

10. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2016 წლის 31 იანვრამდე.

11. ხელშეკრულების პირობების გადასინჯვის შესაძლებლობა

11.1 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. დაუძლეველი ძალა (ფორს-მაჟორი)

12.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეეძენა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

13. ხელშეკრულების ინსპექტირების პირობები

14.1. შემსყიდველი უფლებამოსილია შესყიდვის ობიექტის (მომსახურეობის) მიწოდების პარალელურად განახორციელოს შემოწმება, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს სასჯელაღსრულების დეპარტამენტის ტრანსპორტის განყოფილების უფროსი ცეზარ აფრასიძე.

14.3. ვიზუალური დათვალიერების დროს, თვალსაჩინო ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით აცნობოს შემსრულებელს აღმოჩენილი ნაკლის შესახებ და მოსთხოვოს გონივრულ ვადაში საკუთარი ხარჯებით მისი გამოსწორება.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება შემსრულებელს, საქართველოს კანონმდებლობით დადგენილი წესით.

14. ხელშეკრულების შეწყვეტა

14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება შემსრულებელისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) შემსრულებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულება.

ბ) შემსრულებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

14.2. ხელშეკრულების ცალკეული პირობების შეწყვეტა არ ათავისუფლებს შემსრულებელს ხელშეკრულებით ნაკისრი სხვა ვალდებულების შესრულებისაგან.

14.3. ურთიერთშეთანხმების აქტის საფუძველზე

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს კანონმდებლობის შესაბამისად.

16. სხვა პირობები

16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

17. მხარეთა რეკვიზიტები

“შემსყიდველი”	„მიმწოდებელი”
სასჯელაღსრულების დეპარტამენტი გორგასლის ქ. N83 ა ს/კ 204404723 საქართველოს ეროვნული ბანკი ბ/კ 220101107 ა/ა GE24NB0330100200165022 თავმჯდომარის მოადგილე	
/-----/	/-----/

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

პრეტენდენტის მობილური ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

ხელმოწერა _____